



O‘ZBEKISTON RESPUBLIKASI XALQ TA’LIMI VAZIRINING BUYRUG‘I

Davlat ta’lim talablarini tasdiqlash to’g’risida

O‘zbekiston Respublikasining “Ta’lim to’g’risida”gi Qonuni, O‘zbekiston Respublikasi Prezidentining “Xalq ta’limi sohasidagi ilmiy-tadqiqot faoliyatini qo‘llab-quvvatlash hamda uzluksiz kasbiy rivojlantirish tizimini joriy qilish chora-tadbirlari to’g’risida” 2021-yil 25-yanvardagi PQ-4963-son, Vazirlar Mahkamasining “O‘zbekiston Badiiy akademiyasi huzuridagi Badiiy ta’lim yo‘nalishlarida pedagog va mutaxassis kadrlarni qayta tayyorlash hamda ularning malakasini oshirish markazi faoliyatini tashkil etish chora-tadbirlari to’g’risida” 2021-yil 21-iyundagi 385-son, “Xalq ta’limi xodimlarini uzluksiz kasbiy rivojlantirish tizimini tashkil etish tartibi to’g’risidagi nizomni tasdiqlash haqida” 2022-yil 17-yanvardagi 25-son hamda “Uzluksiz ta’lim tizimi uchun davlat ta’lim standartlarini ishlab chiqish va joriy etish to’g’risida” 1998-yil 5-yanvardagi 5-son qarorlarida belgilangan vazifalar ijrosini ta’minlash, xalq ta’limi tizimi rahbar va mutaxassis xodimlarini qayta tayyorlash va malakasini oshirishga qo‘yiladigan talablarni belgilash maqsadida **buyuraman**:

1. Quyidagilar:

Xalq ta’limi tizimi rahbar, pedagog va mutaxassis xodimlarini qayta tayyorlash va malakasini oshirish ta’limining mazmuni va sifatiga qo‘yiladigan davlat ta’lim talablari (keyingi o‘rinlarda - Davlat ta’lim talablari) 1-ilovaga muvofiq;

O‘zbekiston Badiiy akademiyasi huzuridagi Badiiy ta’lim yo‘nalishlarida pedagog va mutaxassis kadrlarni qayta tayyorlash hamda ularning malakasini oshirishga qo‘yiladigan davlat ta’lim talablari 2-ilovaga muvofiq tasdiqlansin.

Davlat ta’lim talablari o‘rnatilgan tartibda ro‘yxatga olingan sanadan boshlab joriy etilsin.

2. A.Avloniy nomidagi xalq ta’limi muammolarini o‘rganish va istiqbollari belgilash ilmiy-tadqiqot instituti (A.Radjiyev)ga:

bir oy muddatda Davlat ta’lim talablarini belgilangan tartibda “O‘z standart” agentligida ro‘yxatdan o‘tkazish;

2022/2023-o'quv yiliga qadar Davlat ta'lim talablari asosida o'quv reja va dasturlar, metodik hujjatlarni ishlab chiqilishini ta'minlash vazifalari yuklatilsin.

3. O'zbekiston Respublikasi xalq ta'limi vazirining 2017-yil 26-dekabrdagi "Xalq ta'limi tizimi rahbar va mutaxassis xodimlarini qayta tayyorlash va malakasini oshirish ishlarini yanada takomillashtirish to'g'risida"gi 393-sonli buyrug'i o'z kuchini yo'qotgan deb hisoblansin.

4. Mazkur buyruqning ijrosini nazorat qilish vazirning birinchi o'rinbosari U.Sharifxodjayev zimmasiga yuklatilsin.

Vazir



B. Saidov

B.Saidov

Toshkent sh.
2022-yil "20"-aprel
121 -son